

欽定大清會典事例

欽定大清會典事例卷一千一百五十

前鋒統領

建置

設官 兵制 軍政 俸餉優恤 侍班 進班

設官。○原定前鋒護軍營官兵。

紫禁城內。係鑲黃正黃正白三旗輪流直班。均由

景運門進班之統領督率印務章京司鑰長。按照

報單。不時嚴察。其

紫禁城外圍。係正紅鑲白鑲紅正藍鑲藍五旗輪

流直班。均由出班之統領於闔門後率領

闔左門直班之司鑰長。按照報單嚴查。不准一名

空誤。儻有空誤。立即懲辦不貸。○天命十一年

議定。八旗總管佐管大臣外。每旗各設調遣大

臣二。後為駐防及噶布○天聰八年定。巴牙喇

前哨兵。稱為噶布什賢超哈。○順治元年定。噶

布什賢超哈。滿洲蒙古八旗分左右兩翼。每翼

各設噶布什賢噶喇依昂邦一人。率章京侍衛

壯達等及所轄兵。備警蹕宿衛。○十七年定。噶

布什賢噶喇依昂邦。漢字稱為前鋒統領。噶布

什賢章京。漢字稱為前鋒參領。噶布什賢壯達。

漢字稱為前鋒校。○康熙年間定。前鋒參領員

缺。於護軍參領。驍騎參領。前鋒侍衛。一二三等侍衛。護衛。子以下佐領。騎都尉以上等官內。選擬正陪題補。前鋒侍衛員缺。於雲騎尉三等侍衛。護衛。前鋒校。護軍校內。選擬正陪題補。前鋒校員缺。於前鋒內。選擬正陪題補。○十年題准。都統。前鋒統領。護軍統領。隨身筆帖式員缺。除永不敘用之人外。俱坐名咨補。○三十三年。鑄給前鋒統領印信。○五十三年。改鑄左右兩翼前鋒統領護軍統領印二顆。○雍正元年。

論。上三旗前鋒侍衛俱戴孔雀翎。下五旗前鋒侍衛俱

戴藍翎。嗣後俱著戴孔雀翎。○又覆准。前鋒營左右翼統領各設隨印筆帖式二人。○又

諭八旗現在軍前與派在圓明園及長槍營之前鋒校護軍校等員缺。著於護軍前鋒內甄別。交派出之王大臣等驗看帶領引見。按員缺委署。令其帶翎仍食錢糧。遇有前鋒校護軍校缺出。即將伊等補用。○三年

諭各處俱有隨從辦事之人。前鋒統領處。派前鋒參領一員。前鋒侍衛一員。前鋒校二員。隨前鋒統領辦事。若大臣等有因辦事錯誤處分者。將伊等一同處分。

欽此遵

旨議定。前鋒營左右翼各設協理事務前鋒參領一人。前鋒侍衛一人。隨印前鋒校二人。其協理事務之前鋒參領侍衛。由該翼統領於本翼四旗前鋒參領侍衛內。選擬正陪引。

見補授。其隨印之前鋒校。即於本翼前鋒內選委。如行走好辦事勤者薦舉。庸劣怠忽者叅劾。○又奏准。三旗前鋒侍衛員缺。於侍衛副護軍參領前鋒校內遴選。五旗前鋒侍衛員缺。於護衛副護軍參領前鋒校內遴選。各選擬五、六人引。

見補授。○又奏准。前鋒校員缺。於本旗前鋒內遴選
年久行走好者四五人引

見補授。○又

諭。嗣後前鋒統領護軍統領等。俱令穿黃馬褂。○四年。
復鑄給前鋒統領印二顆。○八年。設立前鋒統
領衙署左右翼各一。○乾隆元年奏准。前鋒侍
衛照八旗副參領之例。授為四品。○又奏准。嗣
後前鋒參領員缺。宗室將軍侍衛。三旗侍衛護
軍參領。前鋒侍衛。並准列名。○六年議准。前鋒
參領員缺。由該翼統領於本旗護軍參領一二

等侍衛宗室將軍。一、二等侍衛前鋒侍衛內選
選六、七人引。

見補授。○又奏准前鋒侍衛員缺。由該翼統領於本
旗二、三等侍衛護衛副護軍參領前鋒校內選
選五、六人。以委署前鋒參領一人列於前引。

見補授。○又議准前鋒校員缺。以本旗烏槍什長隊
長開列。若缺多人少。於本旗前鋒內每缺遴選
四、五人。均由該翼統領引。

見補授。前鋒烏槍什長缺。於本旗烏槍隊長內選補。
烏槍隊長缺。於本旗前鋒內選補。○十二年奏

准前鋒營缺出。於本佐領下。曾經軍營效力年
久人員內揀補。如已用完。即在出兵雖無勞績。
而騎射可觀。才具去得人員內補放。其新進應
升人員。亦可揀補。○又定。嗣後八旗遞授副將
之丁憂人員。持服百日後。如係由前鋒參領升
用者。仍在原處行走。遇參領副參領缺出。即行
坐補。服滿後照例補用。○十七年奏准。每旗增
設委署前鋒參領各一人。戴五品頂孔雀翎。仍
食前鋒校餉。○三十四年奏准。凡

特旨對品改補之前鋒參領。若本處無缺。不論兩翼

前鋒營八旗護軍營。遇有參領員缺。奏請暫行補用。俟本旗前鋒參領缺出。奏補。將所遺員缺。另行揀選引。

見補授。○嘉慶四年

諭八旗都統副都統前鋒統領護軍統領及管理各營大臣等。俱有跟班之親隨。原為辦理公務。代該大臣傳事傳話而設。非同家丁之供應驅使。自應於兵丁內各選二人跟班。現在皆由駝騎校護軍校內挑取。作為親隨。殊屬不合。嗣後都統副都統等。著由馬甲內挑取。前鋒統領護軍統領及管理各營大臣。皆由

前鋒護軍內挑取。每人止准挑選二名。作為親隨跟班。其挑選驍騎校護軍校之例。永遠禁止。著為令。○

又

諭。朕出入禁城。前鋒統領例應在門前帶刀侍立。綿恩係屬親王。於體制未協。所有前鋒統領員缺。著貝勒綿懿補授。○二十年奏准。前鋒校遇有籤掣坐卡者。照從前拜唐阿親軍等用六品虛職頂戴例。作為委參領。准用五品花翎頂戴。年滿回京。仍用原六品頂戴。○同治六年奏准。由每翼擇其管轄嚴肅振作。有為前鋒校各四名。作為空銜花

翎前鋒校。再由每翼前鋒內委補藍翎長各四名。均仍食原餉。遇應升之缺。酌量選用。○光緒四年奏准。前鋒參領前鋒侍衛缺出。仿照火器營揀選之例。以本翼四旗應升人員。一體揀選

引

見補授。○八年奏准。兩翼前鋒營。各添設空銜花翎四員。空銜前鋒校四名。與實缺官弁一體輪派進班。作為本營專差。各項外佔以及軍營概不得調。亦不得將外保人員坐補。設有調派離營。將空銜翎頂撤去。以原差前往。所有空銜。另行

揀補。遇有各項保獎人員。均與舊設之缺。分班輪補。擬定正陪。咨送內閣。豫備。

欽派王大臣驗放。○十三年奏准。委前鋒侍衛缺出。一併援照火器營揀選。委護軍參領章程。以本翼四旗空銜花翎。一體選擬正陪引。

見補授。○又奏准。委前鋒侍衛缺出。補放何旗應升人員。即於何旗支領俸餉。仍在出缺旗分當差。一俟本旗出缺。再行歸補原額。

兵制。○原定八旗滿洲蒙古每佐領下。設前鋒二人。○康熙年開定。前鋒缺。由該統領會同護

軍統領於親軍護軍及正身馬甲執事人間散
正身壯丁內遴選充補。○雍正二年定養育兵
亦准選拔前鋒。○十一年

諭。據領侍衛內大臣等奏稱。親軍係龍驤宿衛。不應遠
補前鋒。朕思親軍雖係龍驤宿衛。然前鋒尤為緊要。
親軍皆由佐領下視其材技選充者。嗣後未滿十年
之親軍。准其調補前鋒。已滿十年者。毋得調補。著為
例。○乾隆二十四年奏准。八旗挑補前鋒等缺。應在
兩翼射箭教場。或在三旗侍衛教場。都統副都
統等。每月公定日期。商同挑取。係何日何地挑

取之處。皆報各查旗御史。若逾定期。或王大臣等有專就近便而勞衆者。該御史即行指參。○二十八年覆准。嗣後前鋒缺出。行文各營各旗。咨取應挑之親軍護軍馬甲閒散人等。會同護軍統領考較。擇其步射騎射俱善者挑補。不准指名咨取。如所送者平常。該翼統領駁回。再行咨取。儘該旗等留其優者不送。統領據實陳奏。請

旨特派大臣。會同將應送之人。普行傳到選視。如果有中選而隱匿不送者。即將該管之員參處。○

嘉慶十九年

諭各營挑選兵丁。應將能挽六力弓者挑取。方合定制。其不能挽六力弓者。或由考試。或挑別項差使。各有進身之途。原不應挑取兵丁。嗣後務擇能挽六力弓者挑取。責成該章京妥為訓練。如有挽七力弓者甚善。即或不能挽七力弓。亦應以挽六力弓為準。○道光八年奏准。各旗營每遇揀選挑缺。以官弓較射。能挽六力弓者為合式。其中如有挑八力弓者。先儘八力弓挑。○九年覆准。前鋒各營。每營設立六力官弓數張。挑缺時。先以官弓開試。裕

如者。方准較射。仍以中靶為去取。其挽強而不能命中。與中靶而弓力稍輟者。俱不准挑取。其領催馬甲挑缺。仍照舊制辦理。○二十二年議准。每翼各挑前鋒鳥槍兵二百名。派隊長二名。帶隊章京三名。○二十三年議准。兩翼新設擡槍兵四百名。○咸豐三年奏准。兩翼原設槍兵四百名。新設槍兵四百名。俟軍務告竣。酌量裁撤。以復舊制。○又奏准。挑缺時。凡步箭合式者。先令其空演鳥槍二出。次看馬箭。分別去取。○

光緒八年。欽奉

慈禧端佑康頤昭豫莊誠皇太后懿旨。前鋒護軍各營直班弁兵。必須年力精壯。技藝嫻熟。方資得力。著該統領詳加查察。汰弱留強。嚴禁包攬替班等弊。遇有缺出。秉公揀選。不得以老弱充數。責成查營御史。嚴察挑缺不公之弊。直班官兵。應如何酌加津貼。以示體恤。該管大臣酌度辦理。○又覆准。前鋒護軍缺出。向係咨取各該旗應挑之人。造具印冊送營。擇其年力精壯。騎射可觀者挑補。嗣後咨取備挑時。先由該旗參佐領考驗一次。務擇年壯技嫻者保送。並遴派識認官一二員。領催族長等帶

赴挑缺處。逐名識認。若非原保之人。立即究辦。儻識認官等扶同徇隱。一經查出。咨旗嚴參。軍政。○原定前鋒參領以下。前鋒校以上。由本翼統領分別保薦去留三等註考聽。

欽命王大臣考驗。○乾隆十年

諭八旗前鋒護軍等。三年一次軍政。原以該管大臣等不勤操演。恐致懈弛。所以特派王大臣閱看。分別等第。以示勸懲。自定例以來。已閱二次。優者獎勵。劣者懲戒。各知勤勉。此次著停止軍政。令該管大臣章京等。務在平日訓練。毋致臨時貌為奮勉。並曉諭兵丁

等。各勤操演。馴致精熟。至下次軍政。派出王大臣閱看時。如有生疏不及者。朕惟該管大臣章京等是問。
○二十九年奉

旨。嗣後遇有軍政之年。保薦人員。著領侍衛內大臣。會同前鋒統領。護軍統領。揀選保薦。○光緒八年覆准。前鋒護軍。如有年老衰弱。不能軍政者。隨時裁汰。

侍班。○原定。前鋒護軍兩營同直一日。每次合選參領侍衛等官十人。各註考語引

見。記名者咨兵部註冊。○雍正十年

諭領侍衛內大臣奏事之班次。不宜隨部院衙門。嗣後將領侍衛內大臣前鋒統領護軍統領合為一班。列於八旗奏事班次之後。○乾隆三十四年奉

旨。輪班奏事。八旗八班。領侍衛內大臣前鋒統領護軍統領。向來合為一班。居八旗之次。是以多寡稍覺不均。嗣後將領侍衛內大臣另為一班。居八旗之前。其前鋒統領護軍統領。仍為一班。居八旗之次。

進班。○嘉慶五年

諭。前鋒統領護軍統領進班日期。例應在景運門外直房進班。下班之日。亦必面見接班之人交代後出班。

此定制也。今前鋒統領護軍統領出班。並不俟進班之人。進班之人亦不早至。僅差一護軍校先為接班。然後本人入直。此內公永玉綿志恆甯別覓下處。並不在直房上宿。綿懿前進前鋒統領班時。亦曾另覓下處。殊屬不合。從前綿恩係內庭阿哥王爵。補授前鋒統領。每逢入直。俱在景運門外直房上宿。彼時伊尚未分府。在紫禁城內居住。而不敢違制。另覓下處。朕所深知。今永玉等俱係宗室公爵。綿懿不過貝勒。較之綿恩分位懸殊。本年朕尚在二十七月之內。並無巡幸之事。伊等尚敢如此。若二十七月後。臨幸圓

明園熱河時。伊等必致曠班。不可不加以懲戒。永玉
綿志俱著革去護軍統領。恆甯亦著不必署理護軍
統領。仍各罰俸一年。綿懿人尚明白。加恩仍留前鋒
統領。著罰俸二年。以示懲儆。禁廷入直。理宜嚴肅。嗣
後前鋒統領護軍統領等。務各遵循舊制。敬謹奉行。
毋忽。○十八年奉

旨。嗣後朕在宮內齋戒之日。前鋒統領護軍統領等。著
二人於紫禁城進班。設有不按班私行離直者。查出
治罪不貸。

署理統領。○原定。前鋒統領有出差者。即令未

出差之統領兼攝。若二人同時奉差。乃奏請簡署。○乾隆二十八年奉

旨。前鋒統領護軍統領遇有出差。其印信向係另翼前鋒統領次旗護軍統領署理。但如此署理。旗下章京等豫知署理之人。諸事不無專徇情意。嗣後前鋒統領護軍統領出差。其印信毋庸令另翼前鋒統領次旗護軍統領署理。兵部仍照舊例。將前鋒統領護軍統領都統副都統職名進呈。候朕簡派。

俸餉優恤。○原定官員親隨兵養廉支借俸銀官軍優恤。均與八旗驍騎營同。○康熙十一年

題准。前鋒統領從役六名。馬八匹。○雍正元年
諭。都統前鋒統領護軍統領副都統內。頗有家計艱窘
之人。頃者外省副都統等。既已酌給親丁坐糧。將如
何酌給伊等坐糧之處。著總理事務王大臣等會同
兵部議奏。欽此。遵

旨議定。前鋒統領親丁五名。其所得銀米。原與馬甲相
等。旋因減為每月給銀一兩。米石隨之。嗣後除
照舊每月給銀三兩外。每歲仍給米十二石。每
石折銀一兩。○三年

諭。大臣等已經增給親丁。其前鋒參領護軍參領副護

軍參領等職。行走之處既多。看守又關緊要。著八旗大臣等。將前鋒參領護軍參領副護軍參領等。如何加恩。給予親丁錢糧之處。公同會議具奏。欽此。遵

旨議奏。每旗前鋒參領二員。前鋒侍衛二員。護軍參領十六員。副護軍參領十四員。其前鋒參領護軍參領。俱有食一兩錢糧之親丁一名。今增給錢糧二兩。米折銀一兩。至前鋒侍衛副護軍參領。向無親丁。亦給予親丁一名。每月食錢糧一兩。米折銀一兩。奉

旨。前鋒侍衛亦照依參領給予。餘依議。○五年

諭朕思旗下大臣及有職掌之官員亦宜量給養廉銀兩。著動用兩浙鹽課餘銀一萬兩。分給兩翼前鋒統領護軍統領前鋒參領護軍參領前鋒侍衛等。○八年

諭從前八旗副驍騎校副護軍校等俱令穿補服戴頂戴翎。每月增賞錢糧一兩。今前鋒營之前鋒長鳥槍長既皆穿補服戴頂戴翎亦著增賞一兩錢糧。○乾隆二十八年議准前鋒操演官馬置辦鞦韆等項除每匹馬按月給銀三兩外各加銀一兩。於年終賞項內每月撥銀一千兩備辦。○三十年

定於直隸官馬內。分給前鋒參領護軍參領等。每員派撥一匹。又馬三百匹。交前鋒統領護軍統領給各營學習行走官員及差使勤能護軍校等。每員拴養一匹。該統領等隨時查察。務使妥為餵養。毋致虧缺。所需豆石。照拴養官馬例。每匹月給官豆一石二斗。由戶部照例扣價。

四十八年

諭熱河滿洲兵丁。駐防年久。生齒日繁。朕每年臨幸駐蹕此處。披甲委署前鋒二百名。亦與前鋒一體當差。而仍給予披甲錢糧。於伊等生計。未免拮据。著加恩

將熱河二百名委署前鋒。俱作為前鋒。每月加給一兩錢糧。○道光二十二年議准。兩翼新添槍兵。每翼裁撤二等跑馬十五匹。備差馬十匹。將每月馬乾銀兩。改作公費銀七十五兩。每月每兵給公費銀五錢。不敷由該營餘平銀內添出。○二十三年奏准。各營支領官兵俸餉。改用二兩平。較庫平每兩少銀六分。○又奏准。官員紅白事賞銀。各減一半。兵丁紅白事賞銀。各減二成。○又奏准。每月隨甲餉銀。米折銀及米石。暫減一半。○又奏准。每營每月領公費制錢六串。以資領

餉車價紙張筆墨之用。俟將來兵餉加平支領時。即行裁撤。○又議准兩翼八旗官拴馬七百二十八匹。暫減一半。下留三百六十匹。兵拴備差馬七百二十四匹。跑馬七百三十匹。亦暫減一半。酌留跑馬五百二十匹。備差馬二百六匹。向例遇有圍差。由兵部行文調用。今經裁撤一半。免其調用。○又議准兩翼鳥槍兵四百名。每月每名公費銀五錢。冬夏止操六箇月分內。酌減二錢。新設檣槍兵四百名。仿照槍兵操演之例。每年春秋六箇月。每月每兵津貼銀一兩。冬

旨。南苑各園撤出馬六十四匹。京園擇出馬一百四十匹。著分賞前鋒統領護軍統領十營兵丁。○咸豐三年奏准。兩翼原設新添槍兵共八百名。槍操之月。仍舊每名給公費銀五錢。不槍操之月。毋庸給予。○又奏准。直班官員。每日例領口分銀四分。兵三分。由內務府廣儲司支領。嗣後按照每銀一兩。折放錢四千。○六年奉

旨。此次所調察哈爾馬。著分給左右兩翼前鋒營八旗護軍營兵丁五百匹。應得馬銀。由戶部酌量放給。○

十一年奏准。添設擡槍訓練兵丁。每名每月給津貼制錢六千文。折放銀六錢。○同治四年奏准。擡槍兵丁津貼。仿照八旗滿蒙添練火槍兵丁公費。每名每月給銀一兩。○七年

諭東華門西華門神武門午門兩翼前鋒營直班官兵。應領口分銀兩。著加恩按照舊章給發實銀。毋庸折扣。仍由廣儲司支領。所領米石。仍著照舊給發。其紫禁城外圍直班。向無口分之兩翼前鋒營官兵。著一併添放口分。按照紫禁城內直班之例。發給實銀。由戶部支領。毋庸賞給米石。○九年奏准。兩翼前鋒營

章京四十八員。每員每月給馬乾銀三兩。自行
拴養馬匹。○十一年奏准。向來

壇內宿衛官兵。每日每名給口分銀一錢。此次添派槍
兵宿衛一體添給。○十二年奏准。

聖駕駐蹕

雍和宮直宿官兵。應領口分銀兩。照

天壇住宿請領。○十三年奏准。

聖駕駐蹕

南苑守衛官兵。每日每人給口分銀一錢三分。照
行營向章由部庫支領。○光緒七年覆准。

東西華門柵欄兩翼前鋒營。每日直班官。每員支銀四分。兵每名支銀三分。自本年九月為始。除所領米石照舊支領外。各酌加口分銀一分。○八年覆准。

端門

天安門添派上城巡視官兵。口分銀米。照

紫禁城內直班官兵一體支領。○又覆准。

紫禁城內外直班官兵。照外城直班官兵。每日給

口分銀八分。○又奏准。添設空銜花翎。照案每員每月給馬乾銀三兩。○又奏准。城上巡籌弁

兵。照原派各門直班弁兵之例。每歲冬閒。一併賞給皮衣銀兩。○十一年。欽奉

慈禧端佑康頤昭豫莊誠皇太后懿旨。前於咸豐年間。因軍務需餉甚鉅。將王公官員暨兵丁等俸餉。減成放給。以濟要需。現在軍務較平。加恩著將王公及在京官員俸銀。京師旗綠各營兵丁餉銀。自光緒十二年正月起。一律仍照舊制。全數放給。其自減成以後。各旗營添支辦公款項。本為舊例所無。今既加放全餉。應如何分別裁減之處。著該部妥議具奏。欽此。遵旨議准。同治四年。增給左右兩翼城班津貼銀每月七

百七十二兩八錢。槍兵公費銀每月六千八百六十兩五錢。前鋒統領衙門津貼銀每月一百四十二兩。並裁。又同治五年。加放前鋒統領衙門公費銀每月四十五兩。九年。加放馬銀每月一百三十四兩四錢。並裁減。

欽定大清會典事例卷一千一百五十一

前鋒統領

訓練

演習騎射鳥槍
軍器

演習步圍

合操

演習騎射鳥槍。○雍正五年覆准。八旗前鋒每月六次習射。遇有會議之事。統領等不能兼顧。嗣後定期每月於初二初六十一十六二十一二十六日。停止會議。令統領親往校射。○八年議准。前鋒內一半習鳥槍。每月以初九十四十九二十九等日演放鳥槍。合前校射之日。共為十日。監看鳥槍參領侍衛各二人。監看步射參

領侍衛各二人。仍照護軍之例。每年春秋二季。驗看騎射。並擐甲馬步射一二次。三年一次考驗甄別。○乾隆十年

諭八旗兵丁習學馬步射。甚為要務。向來考驗護軍前鋒等演射。均量加勸懲。優者格外獎賞。其驍騎營兵丁。向不入考。今將八旗滿洲蒙古漢軍及上三旗包衣之護軍校驍騎校親軍前鋒護軍領催馬甲拜唐阿等。特派王大臣會同該管大臣等。考射布靶中三枝以上者。分別記名。即中未合式。而弓力强漢仗好者。亦著記名。若老病不能射箭。而當差年久。曾經效

力行間。及平日尚能步射。行走較好。此時未得入考者。准各該管大臣等列名具奏。候朕閱看酌量施恩。俾兵丁等咸知鼓勵。優者倍加奮勉。即平等者亦可望其勉力習學。進於優等。所派王大臣等。著即行考驗。編列等第。各將所記名數。交軍機處彙總具奏。

十五年

諭。朕每年行圍射獵。正為使官兵等熟習騎射。技藝不至廢弛。朕尚以身先之。都統等除訓練官兵之外。更有何事。經朕屢屢訓飭。竟不加意。成何事體。再揀選武官。止看其馬步射技藝而已。並未責令辦事。又何

必論其人明白辦事之能否耶。此後帶領武官引見。朕惟將馬步射之清語好者是用。如技藝平常。人雖去得。朕亦不用也。將此通諭領侍衛內大臣前鋒統領八旗都統等。遵奉朕旨。將該管官兵訓練務使精熟。經朕此次訓飭之後。儻仍不以為事。即是自取罪戾。豈能望朕施恩寬宥耶。慎之勉之。○十七年

諭前鋒護軍。皆應嫻習騎射。但每月雖照定期射箭。該管大臣等視為具文。未必盡心教訓。及軍政屆期。不過臨時稍為演習。事過即置而不問。技藝何由熟練。從前

皇考思兵丁騎射最要。特降諭旨。揀選前鋒護軍引見。曾有加恩錄用者。有因騎射平常。將該旗大臣治罪者。此皆訓養兵丁之道。著諭前鋒統領護軍統領等。今歲朕回圍後。於護軍校前鋒護軍內。將人材騎射可觀者。每翼各揀選前鋒校二十名。前鋒二百名。上三旗每旗各揀選護軍校二十名。護軍二百名。下五旗每旗各揀選護軍校十五名。護軍一百五十名。復奏派王大臣閱看。於每翼內揀選前鋒校前鋒十五名。每旗內揀選護軍校護軍十名。帶領引見。嗣後每年照此辦理。○二十一年

諭前因武職官員射箭。往往有及半即墜。或低掠地面者。朕曾降旨訓飭。乃今日前鋒統領護軍統領等帶領引見人員內。猶有仍前不堪之人。甚則明知弓力輒。故將前手挑高。夫射箭之法。必矢發勁速。不半墜。擦地。能直達所指為佳。若有意挑高。雖至輒之弓。亦可及遠。此等惡習。皆統領等平日漫不經心。不勤加訓練所致。前鋒統領護軍統領等。著交部察議。○嘉慶十八年奏准。前鋒營烏槍。於每月初二初六十一十六二十一二十六等日。已刻左翼在朝陽門外鑲白旗教場。右翼在阜城門外鑲紅旗。

教場操演。統領等按期前往訓練。○十九年

諭。朕此次閱看各營官兵。或箭不及靶。或雖中而不能穿靶。此皆弓輒之故。凡各營挑選兵丁。應將能挽六力弓者挑取。方合定制。嗣後務擇能挽六力弓者挑取。責成該章京妥為訓練。如有挽七力弓者甚善。即或不能挽七力弓者。亦應以挽六力弓為準。著前鋒統領護軍統領等。將官兵等技藝妥為訓練。朕明年閱該營官兵。儻仍步射弓輒。定將該管大臣等治罪。

○二十二年奉

旨。據永錫等奏閱看左翼前鋒營兵丁等步射。將二名

中靶五支者具奏一摺。除將中靶五支之前鋒薩炳阿成勇加恩外。本年朕閱看前鋒護軍營官兵步射。現已閱訖五營。惟有正黃旗護軍營兵丁內中靶五支者二名。其餘四營並無中靶五支者。該王大臣等。僅將閱看左翼前鋒一營兵丁二名中靶五支者具奏。其有挨邊擦過步靶者。均難保不徇情以中靶充數。嗣後該王大臣等。閱看兵丁步射時。務當留心於實係中靶者。再行記中箭支。或挨邊擦過。斷不得以爲中射步靶。並著都察院奏派御史二員。會同該王大臣等。閱看兵丁步射。儻王大臣等有意徇情。該御

史即行據實參奏。若因循不奏。一經查出。定行一律治罪。○道光七年

諭。騎射清語為滿洲根本。俱應熟習。近年屢經降旨訓諭。乃護軍人等仍有弓力較軟者。總由該前鋒統領護軍統領等平日操演挑補。並不實心考驗。草率從事所致。著兩翼前鋒統領護軍統領等。嗣後將所屬官兵技藝。務使操演悉臻精銳。如遇挑選前鋒護軍時。尤須秉公擇其弓力精強。騎射嫻熟。通曉清語者。挑取。毋許瞻徇情面。濫以弓軟人劣者充補。○十四

年

諭。近日朕看八旗前鋒護軍各營章京步射。見其一體
穿用藍色袍服。競尚虛文。何所取義。嗣後遇有射布
靶及引見人員。惟期騎射嫻熟。弓箭齊整。所穿袍服。
紬布俱可。不必再拘顏色。縱使不甚鮮明。亦無不合
之處。該管大臣等。務令所屬章京兵丁。各期騎射精
強操練。衣服毋尚奢華。以副朕敦本崇實之意。○二
十二年議准。每翼新添槍兵二百名。今歲自奏
定章程後為始。至封印日止。每月演放鉛丸打
牌六次。每次每名演放各五出。又每月演進步
陣勢三次。不放鉛丸。今歲兩翼八旗合操二次。

亦不放鉛丸。自二十三年起。於二月初一日開操。五月初一日止操。七月十六日開操。十月十六日止操。共操演六箇月。每月打牌二次。演陣勢一次。春秋共合操二次。俱不放鉛丸。○又議准。操演鳥槍。在各營操演馬步箭之處。操演如合操之期。於安定門外教場內合操。該管大臣。除進班。及有別項差使外。俱親往閱看。如有不齊之處。即時懲辦。○咸豐三年奏准。兩翼前鋒營。每翼各添設鳥槍二百杆。由各該管大臣。挑選精壯兵丁。與原設槍兵。分為兩班。輪流操演。

○十年

諭。現在訓練京兵。擡槍最為便利。兩翼前鋒營八旗護軍營。均應演習擡槍。以期有備無患。著迅速查明現有擡槍。分給各營。趕緊認真操演。務期精熟。

演習步圍。○康熙二十一年題准。每歲演習田獵三次。春季定於三月。秋季定於九月。冬季定於十二月。每次令八旗揀派前鋒校前鋒共一百三十人。每翼前鋒參領一人。前鋒侍衛一人。○雍正八年定。每年秋季。前鋒統領會護軍統領奏。

聞。率所屬兩營官軍。演習步圍兩三次。嘉慶六年奉旨停
止。

合操。○雍正六年定。

大閱頭隊。每佐領下前鋒一人。每旗前鋒參領一人。
前鋒侍衛一人。每翼前鋒統領一人。即於此數
內分出前鋒二百人。前鋒參領侍衛各二人。統
領一人為殿後軍。○又定。每年八旗合操。分前
鋒營官軍之半。會火器營官軍操演。○乾隆三
十九年定。

大閱頭隊。前鋒營八旗分為八隊。每隊小旗八。海螺

各四。每翼前鋒統領一人。每旗前鋒參領一人。前鋒侍衛一人。前鋒校八人。鑲黃正黃二旗前鋒各一百三名。其餘六旗前鋒各一百二名。此內撥出前鋒統領一人。鑲黃正黃鑲白鑲紅四旗前鋒參領各一人。前鋒侍衛各一人。前鋒校各八人。小旗各八。海螺各四。鑲黃正黃二旗前鋒各一百三名。鑲白鑲紅二旗前鋒各一百二名。分八隊為殿後兵。○道光二十三年奏准。改一字連環陣式為九進三連環陣式。兩翼槍兵合為一隊。八旗槍兵各為一隊。共作九隊。每隊

分兩層排立將臺下。海螺發音。隊中海螺接音。見中綫大火旗搖動鳴鐃。隊中小旗接搖亦鳴鐃。畢。前隊放三進一連環。後隊越出前隊亦放三進一連環。二陣連環未止之時。後隊槍兵左右橫出。俟連環聲止。歸入前隊。合成一字陣式。同放三進一連環。畢。護槍弓箭兵四百名越出陣前。吶喊開弓放箭三次。仍歸隊。後兩翼馬隊官兵一百名左右交衛。○咸豐八年定。

大閱翼長四員。隊長二十員。章京八十五員。前鋒校六十八名。護軍校五百一十八名。烏槍兵四千

名。弓箭兵四百名。交衝馬兵八十名。海螺兵一百七十六名。各項執事備差兵共五百八十八名。

軍器。○順治十七年定。前鋒參領以下盃頂用獼尾垂黑纓。前鋒校前鋒盃皆鐵頂垂紅纓。○康熙五年定。前鋒校甲。以白繡緞為表。前鋒以藍布為表。袖褰皆用明甲。○六年題准。每前鋒一名。各給甲一。胄一。撒袋一。弓一。箭七十。佩刀一。○又定。八旗前鋒。給鳥槍八百八十一。海螺十六。前鋒校。每人給順刀一。鑲刀一。斧一。鳥槍

什長隊長。各梅鍼箭二十。鈇箭五。餘與前鋒校同。前鋒各手槍一。鈎鞭一。麻繩四十。絨繩二。網鈴四。餘與烏槍什長隊長同。○二十八年定前鋒軍器。於八旗護軍馬甲閱畢之後。定期請

旨。會領侍衛內大臣檢閱。○嘉慶十八年奏准。左翼前鋒營。現有烏槍二百八十一杆。右翼前鋒營。現有烏槍二百七十六杆。每槍一出。向領火藥二錢。烘藥二釐。火繩一寸。每年八月由工部支領。於九月起至封印止。共操演二十次。俱係空演過堂。並不裝用鉛彈打牌。今鉛彈既備。每槍

一出。仿照火器營例。需用火藥三錢。○又奏准。除現領本年操演火藥外。豫領一分。收存公署。俟來年應領時。出陳易新。其應用鉛彈。在本翼公費銀內置辦。照例咨報內務府廣儲司覈銷。○道光十九年。

諭。武備院奏紫禁城內外各朱車。及圓明園各堆撥安掛器械。請改為十年換造一摺。著照所請。所有各該處安掛器械。准其仿照圓明園各宮門器械之例。每屆十年。由各該營查明奏請。欽派大臣前往察勘。分別應造應緩。具奏辦理。以昭覈實。○二十二年議准。

兩翼新添槍兵二百名。烏槍於武備院領取。鉛藥由工部領取。散給所挑之兵。自行妥收。如烏槍稍有損壞。隨時修理。○又議准。應添海螺旗。幟。火藥。葫蘆等項。由該營餘平銀內自行添辦。○又議准。鉛藥火繩。每年按二季行文工部領取。分給各兵。如不合式。由該兵等自為灌造。演放後。報部按對成數銷。○二十三年議准。兩翼八旗。添設擡槍二百杆。○咸豐三年奏准。兩翼八旗。除現有官槍。並自製牌槍七千一百杆外。不敷九百杆。由武備院撥給。○又覆准。遵

旨查明左翼槍六百八十一杆。前往軍營二百六十五
杆。實存四百一十六杆。右翼槍六百七十六杆。
前往軍營二百六十八杆。實存四百零八杆。

光緒九年奉

旨。禁門內外弁兵所用刀械類皆鈍折不堪。著該管
大臣查明分別修整。欽此遵

旨。議奏。兩翼上三旗刀械等項。全行修竣。安設飭直
班官兵妥為看守。仍於每月初一十五兩日。督
率章京分往查驗。如有鈍折。隨時更換。

職掌 守衛 扈從

守衛○原定。

景運門直班。以前鋒統領或護軍統領一人輪流宿衛。○康熙十八年定。

聖駕駐蹕暢春園。以前鋒統領護軍統領二人駐紮。督率參領官校守衛傳籌。與

禁城同。○雍正三年奏准。

隆宗門以護軍統領及協理事務前鋒參領護軍參領參互入直。恭遇

巡幸。

東華門

西華門

神武門。增護軍統領。或協理事務。前鋒參領護軍

參領每門各一人。

其稽查出入各事。俱詳護軍統領。

○乾隆五

十七年

諭。昨日駐蹕臺麓寺行宮。因北垣外並未設堆撥。亦未

傳籌。將管理行營之前鋒統領護軍統領及總理行營事務之王大臣等。分別議處。以示懲戒矣。朕辦事五十餘年。加恩衆庶。天下太平。即朕夤夜獨行。亦復何虞。獨是衆多臣僕。隨君出狩。竟不設堆撥。不行傳籌。有是理乎。將來子孫。亦或有巡幸各處者。凡駐蹕

之處。牆垣周圍。不設堆撥。不行傳籌。必致舊制廢弛。不成事體。著每次行圍時。令總理行營事務處及護軍統領等。務將此旨宣示一次。○嘉慶五年

諭。昨有湖南廣西候補吏目二人。徑至乾清門呈遞奏摺。經奏事處官員駁斥未接。仍行據實具奏。自以不接為是。朝廷設官分職。有一定階級等差。若不論何項人員。皆赴宮門遞摺。尚復成何政體。此皆由門禁不嚴。該管大小官員。因循怠玩。不能留意稽察。以致外省候補微員。徑赴宮門。蕃越呈遞。嗣後禁城內各門出入人員。著前鋒統領護軍統領各率所屬之章

京等認真稽查。按照舊例行走。如再有似此遞摺之事。必將該管大小官員治罪。○十八年奏准。烏槍前鋒向於

大清門

中右門該班今

禁城四門。每門添設烏槍前鋒二十名。

東西華二門外柵欄堆撥。每處添設烏槍前鋒二十名。協同護軍一體防守。○二十四年議准。

圓明園各處各設激桶二架。各派前鋒參領一員。前鋒校一員。藍翎長一名。前鋒二十名。披甲人

三十名。在本旗豫備。○二十五年

諭。朕本日恭閱

皇考高宗純皇帝實錄內。載乾隆二十三年六月。軍機大臣會同刑部審擬東華門進班官兵等。於瘋顛僧人拔刀入內未能攔阻一案。奉

旨。護軍參領護軍校護軍等。看守禁門。係其專責。似此瘋疾之人。強行入內。當經以棍擊斃。或以刀砍傷。俱分所當然。乃守禦多人。竟不能一為攔阻。如軍前遇敵。諒不過恇怯奔潰而已。尚能奮勇殺賊乎。此即應如所奏。亦無不可。但積習日久。實未嘗經歷此等事。

件。且人數衆多。著加恩將擬絞之護軍校努爾瑚訥
長玉護軍福森保等十六人俱行寬免。發往拉林阿
勒楚喀。此係朕格外恩施。嗣後各宜勤慎當差。嚴為
守衛。儻仍前怠玩偷安。必從重治罪。決不寬貸。將此
旨著八旗護軍統領書於木牌。凡進班之處俱行懸
挂等因。欽此。又奉

諭。協和門進班委護軍校都爾瓦。奪取僧人腰刀。當即
擒獲。實屬奮勇可嘉。著加恩補放副護軍參領。賞銀
一百兩。幫獲之護軍貴保。賞銀五十兩。其餘人等。各
賞銀三十兩。又奉

旨於紫禁城四門各派東三省章京二人看守。仰見我
皇考睿慮深遠。嚴飭禁衛之至意。朕於十八年辦理逆
匪突犯禁門一案。於直班官兵等分別懲治。並議添
東三省官兵申嚴門禁各事宜。悉與

聖諭默相符合。惟十八年逆匪之變。較之瘋僧闖入禁
門。更為重大。是日禁門直班官兵刑部分別擬以重
辟。本應即行正法。因人數衆多。改從寬典。當時未免
姑息。著交刑部存記。凡此案疏防禁門各犯。無論遇
何恩赦。俱不准查辦。即摺內除某人等不議之語。亦
不准敘及。如有在配脫逃者。拏獲奏聞。即行正法。並

著前鋒統領護軍統領等。查明現在紫禁城四門章
京護軍校護軍。每日每門。必須派有東三省官兵數
人。在內當差。不准缺誤。其乾隆二十三年恭錄

諭旨木牌。現在各門仍否一律懸挂。如有遺脫者。著即
補繕恭懸。並將十八年朕申嚴門禁各諭旨。另書木
牌。凡禁城進班之處。一併懸挂。俾直班官兵等。觸目
做心。共嚴宿衛。○道光十一年

諭奕經等奏參進班來遲之司鑰長永明等一摺。紫禁
城各門堆撥進班官兵。自應晝夜常川齊備。而接班
時刻。尤不可誤。今正白旗司鑰長永明。於巳刻始行

換班。而進班人等。又不齊備。殊屬懈弛。永明著革去
司鑰長。仍交部議處。副護軍參領長善。亦著交部分
別議處。所有遲誤之護軍等。著該護軍統領從重懲
辦。並交該前鋒統領護軍統領等。妥為留心嚴察。嗣
後該參領護軍校兵丁內。儻仍有接班違誤。例定時
刻。及進班人等參差不齊者。一經查出。即行指名嚴
叅重懲。毋許姑容。○十七年

諭。前據濟克默特等奏。護軍等傳說神武門官兵攔阻
酒篋驗係火藥一案。當降旨著僧格林沁審訊。茲據
該大臣等審明。實係市井游談。全無確據。分別定擬。

著照所擬完結。紫禁城門禁森嚴。該旗護軍等輪流直班。前鋒統領等職司統轄。責有攸歸。濟克默特等既有風聞。自應據實具奏。以憑究辦。其安福等五人職同管轄。並未列銜。自係查無確據。未敢冒昧具奏。亦無不合。嗣後該統領等務當嚴飭所屬。一切出入人等。隨時隨地。嚴密稽察。固不得以游談無據之詞。任令輾轉傳播。其有事關重大。形迹可疑。應呈明者。立即呈明。應入奏者。據實具奏。不得稍存諱飾。儻知而不言。獲咎更重。懍之慎之。○二十四年。

諭軍機大臣。傳知前鋒統領護軍統領等。著將該處所

貯陰文合符五扇。送交軍機處貯大內。永不動用。新頒陰文合符四扇。著交該統領等敬謹收貯。此旨著軍機處該統領均各存記。○咸豐元年

諭。前據華山泰等奏請嚴定稽查門禁章程。當降旨交總管內務府大臣議奏。茲據柏葰等酌議具奏。所有分段稽查及更換腰牌點驗匠夫一切章程。均著照所議辦理。仍著前鋒統領護軍統領嚴飭直班之官員兵丁等。於各項人役出入。隨時詳細查驗。與內務府衙門互相查覈。毋得視為具文。日久生懈。以昭嚴密。○三年

諭禁城內外各門。尤宜嚴肅。節經降旨。令前鋒統領護軍統領嚴飭直班官員兵丁等。隨時查覈。第輪班直宿人數衆多。其中難保無曠誤偷安老弱充數者。著該管大臣認真揀派。以資宿衛。並隨時查驗軍器。務使一律堅利。毋得徒飾觀瞻。又。

諭禁門出入。疊經諄諭該管大臣。飭令直班官兵嚴密稽查。乃近年仍有拏獲攜帶腰牌頂名冒替之案。總由各處當差人等將本身姓名年貌腰牌雇覓民夫攜帶充當。若稽覈稍疏。則聞雜人等不免潤迹。何以肅宮禁而嚴守衛。著前鋒統領護軍統領總管內務

府大臣嚴密稽查。如有前項弊端。即行拏獲究辦。○

又

諭兩翼前鋒統領八旗護軍統領。向係輪流一人在景運門外直宿。著添派一員。每日輪流在隆宗門外直宿。並著六班直宿之王公文武大臣等一體認真稽查。以昭嚴肅。○又奏准。每門增設烏槍兵各十名。嗣後每日散門之先。於直班內分撥一半。進於甕城。分撥一半。在門外看守。○十一年

諭紫禁城內外各門。係禁廷重地理宜整齊嚴肅。從前

屢經

皇考大行皇帝飭令嚴定章程。並令隨時嚴密稽查。該前鋒統領護軍統領。自應督飭直班官兵。晝夜嚴查。惟恐日久生懈。是用特頒諭旨。著各直班王大臣隨時認真稽察。如有偽稱匠役工作。私帶閒人。溷迹出入。即行查拏懲辦。其門禁察驗。向以腰牌為憑。儻查有招募雇替等弊。即著從重治罪。毋得視為具文。稍有疏懈。以肅宮禁而嚴守衛。○同治元年

諭。禁城地面。關繫緊要。理宜嚴密稽查。以昭慎重。近來觀德殿按期致祭之日。關防車路所經。輒有閒人聚集道旁。殊不足以昭嚴肅。嗣後觀德殿及景山門內

地面著恭理喪儀直班之王大臣等嚴加查察。毋許容留閒人。其景山門外一帶道路著步軍統領衙門實力管轄。其無執事人役一概不准任意往來行走。至禁城各門稽查出入。尤應格外嚴肅。屢經諭令該管前鋒護軍統領等認真查察。乃日久懈弛。奉行不力。實屬漫不經心。嗣後該管王大臣等務宜振刷精神。慎密稽察。毋得意存玩泄。經此次通諭之後。儻仍前怠忽。不加整頓。定將該管各官懲處不貸。○又

諭前因紫禁城內外各門係禁廷重地。恐該前鋒統領等官及直班官兵日久生懈。諭令各直班王大臣認

真稽察。近聞各門官兵仍復如前玩泄。軍器等項亦不知妥為整理。宮廷宿衛極關緊要。理宜嚴肅整齊。前經明降諭旨。該王大臣等宜如何嚴密稽查。認真守衛。乃復虛應故事。任令各該員及直班官兵怠惰偷安。並未嚴行究辦。殊不足以昭慎重。嗣後該王大臣等務當申明舊章。實力稽察。並於直班之日。責成司鑰章京。於扃門時。將應行直班弁兵人數。分門點視。所帶軍械。應令一律整齊。該王大臣仍隨時隨處抽查。務須規模嚴肅。如有曠誤不到者。立即指名嚴參。從重懲辦。其扶同隱匿者。查明一併治罪。儻該王

大臣稍存玩泄。未能督飭嚴查。定當一併懲處。決不寬貸。○又

諭。禁門重地。直班官兵。有稽察出入坐更行籌之責。疊經明降諭旨。申嚴門禁。該直班參領等。宜如何督率官兵。勤慎當差。實力稽查。以昭嚴密。乃據克興阿奏稱。西闕門直班官兵。並不實力奉行。於本月初六日寅刻。竟有安然偃臥之事。其平日性耽安逸。漫無稽察。已可概見。實堪痛恨。所有西闕門直班之正紅旗副護軍參領圖薩。著交部嚴加議處。其東闕門直班暫委司鑰長護軍參領蘇興阿。毫無覺察。亦難辭咎。

著交部議處。是日直班兵丁。並著該營即行革退。以
為玩忽者戒。嗣後該前鋒統領護軍統領等。務當懍
遵疊次嚴諭。飭令各門直班之員。認真巡守。常川毋
懈。以昭慎重。儻敢仍前玩泄。虛應故事。或被人參奏。
或別經發覺。除將直班員弁兵丁等。分別嚴辦外。並
將該前鋒統領護軍統領等。一併從嚴懲處。決不寬
貸。懍之。○九年

諭御史彝昌奏請嚴肅門禁。以杜弊端。一摺。禁門重地。
例禁恭嚴。豈容雜人等。任意出入。若如該御史所
奏。紫禁城四門以內。竟有貨賣食物人等。私行往來。

實屬不成事體。亟宜從嚴整頓。著前鋒統領護軍統領各衙門嚴飭直班官弁認真稽查。隨時盤詰。儻該官弁仍前廢弛。即行據實嚴參。毋稍徇隱。以肅門禁。而做玩泄。○十一年

諭。內務府奏端門樓庫存軍械。查有失竊情事。請旨辦理一摺。端門樓存儲軍器。向係五旗護軍營直班官兵等輪流看守。本年十一月間。經直年司員查得庫存腰刀。失去九十三把。撒袋失去八分。本月十二日。該司員等前往該處查驗箭枝。復見庫房東次間。有撬開窗榻等處情形。是該官兵等視典守為具文。任

意懈弛實堪痛恨。且禁門重地。斷非外來竊賊所能
涸迹。更難保無監守自盜情事。著前鋒統領護軍統
領查明此次撬門失於看守之直班官兵等。送交刑
部嚴行審辦。該管前鋒統領護軍統領失於覺察。著
交部議處。嗣後應如何嚴密巡查看守之處。即著前
鋒統領護軍統領妥議章程奏明辦理。○又

諭內務府奏端門樓東馬道有人涸進。請飭嚴查一摺。
本月二十六日未刻。該司員等前往端門馬道上查
驗。忽見有人在東馬道樓前藏匿。追擊未獲。禁門重
地。宜如何嚴肅。且前因端門樓失去腰刀撒袋等件。

甫經嚴飭。乃該直班官兵等。並不認真巡察。仍令閒人白晝溷進。任意懈弛。殊堪痛恨。嗣後前鋒統領護軍統領。務當嚴飭直班官兵等。實力巡察。毋得仍前玩泄。致干重咎。○十二年

諭。前因端門樓庫存軍械。有失竊情事。諭令前鋒統領護軍統領。將如何嚴密巡查看守之處。妥議章程具奏。茲據察杭阿等奏稱。請飭內務府將現存軍械若干。會同司鑰長查明造冊。咨送景運門存案。嗣後凡遇收放軍械時。由該衙門將實存數目。知照景運門傳知直班司鑰長。會同查封。並請飭工部將各門馬

道牆垣一律修整等語均著照所議辦理所請添蓋堆撥著毋庸議至禁門重地向有直班官兵專司看守。如果認真巡查。何至有被竊情事。該前鋒統領護軍統領平時漫不經心任意懈弛。此次因內務府將軍械被竊及端門東馬道樓前有人藏匿追拏未獲各情。先後據實奏聞。輒請由內務府派撥包衣護軍二十名。輪流直班。章京二員。專司鎖鑰。會同稽查。似此意存諉卸。殊屬可惡。所請著不准行。察杭阿等均著交部議處。仍責成前鋒統領護軍統領督飭直班官兵認真巡查看守。如再仍前玩忽。定行嚴懲不貸。

其各處應用腰牌。著內務府隨時迅速發給。以便稽查。○又

諭興林廣科等奏午門內有兵丁自行抹傷。請飭究辦。一摺。據稱本月十三日。有鑲白旗蒙古桂榮佐領下。養育兵連喜。因伊弟松安代人保帳不敷。被帳主陵。偏自縊身死。連喜含冤。意欲復讎。攜帶供呈。由西華門。溷入。自行抹傷等語。養育兵連喜。即有冤情。亦當赴各有司衙門呈控。膽敢溷入西華門。在午門內抹傷。殊屬不知法紀。連喜著交刑部嚴行究辦。呈內所指匪棍張三。青骰子張閻。王趙。姓白毛李。三李大李。

二小霸王高五沈大王三鄭二。著步軍統領衙門順天府五城一體嚴拏務獲。交刑部歸案訊辦。所有是日西華門直班兵丁。著查明嚴行懲辦。該管各官失於覺察。著查取職名。交部議處。禁門重地。豈容閒人溷入。疊經降旨訓誡。該直班官兵等。並不認真巡察。實屬廢弛已極。嗣後前鋒統領護軍統領務當督飭各門直班官兵。實力稽察。嚴申門禁。儻敢仍前玩泄。即行從嚴參辦。○光緒七年議准。禁城內各衙門各等處。均有蘇拉廚役若干名。及太監所管各等處。他坦蘇拉廚役若干名。均令該管各衙門各

等處速即造具籍貫年貌姓名細冊咨行內務府全行一體發給添給腰牌並知照

景運門以歸一律嚴察如有更換蘇拉廚役隨時知照以杜借帶腰牌冒充等弊其腰牌仍由內務府按照例限更換以憑察覈○又

諭禁門重地理宜嚴肅前經御前大臣軍機大臣總管內務府大臣前鋒統領護軍統領會議嚴申門禁章程並疊降諭旨諄諄教誡該管大臣等宜如何認真整頓力除懈弛積習乃上年有瘋犯劉振生混入禁門一案本年復有東華門樓盜甲被竊

之事層見疊出。尚復成何事體。總由該管大臣等
意存玩泄。以致各處員弁兵丁。於奏定章程。陽奉
陰違。門禁廢弛已極。殊堪痛恨。著該管大臣等遵
照章程。實力奉行。督率員弁兵丁。隨時隨事認真
稽察。毋得仍前玩忽。儻再有疏虞。惟該管大臣是
問。懍之。○又

諭。上月三十日夜。

慈寧宮前殿及大佛堂瓦上。失去銅鍊八挂。並有遺棄
木杆在地。及揭去瓦片情形。宮禁森嚴。竟有竊賊
混入。該官兵等所司何事。疊經降旨嚴申門禁。竟

敢視為具文。怠玩至於此極。實堪痛恨。著前鋒統領護軍統領總管內務府大臣。查明直班官弁兵丁。嚴行參辦。該處總管首領太監。交總管內務府大臣嚴訊。並著步軍統領衙門順天府五城一體嚴緝賊犯。務獲究辦。○又

諭刑部奏審明疊竊宮殿銅鍊寶匣等物賊犯。按律從重定擬一摺。此案袁大馬袁立兒王五。膽敢糾夥疊竊宮殿銅鍊寶匣等物。皆不畏法。至於此極。徐志詳身充太監。輒敢吸食鴉片。復招引竊賊肆竊宮禁。實屬罪不容誅。連毛兒大胡。於禁城重地

肆行出入偷竊。侯善詳知情銷贓。亦屬異常貌法。亟應從嚴懲辦。袁大馬即袁得山。袁立兒即袁順兒。王五即王五立兒。均著處斬。徐志詳依擬應斬。著即行正法。連毛兒大胡即胡大。侯善詳即善子。侯均著依擬斬監候。以肅法紀。其在逃之韓老西。李三狗狄合兒劉四定福傅九等。仍著步軍統領衙門順天府五城御史一體嚴拏務獲究辦。所有拏獲此案各員弁。著該衙門查明奏請從優獎勵。其在內直班之前鋒統領護軍統領總管內務府大臣。平日漫無覺察。所司何事。著各該衙門查取。

職名。照例議處。直班官兵。著按照各該犯供出月日。一併查明。分別懲處。○八年。欽奉

慈禧端佑康頤昭豫莊誠皇太后懿旨。前據內閣侍讀學士文碩。內閣學士貴恒。御史陳啟泰。先後陳奏。嚴申門禁。詳定稽查章程等情。當諭令醇親王奕譞。會同御前大臣。軍機大臣。總管內務府大臣。前鋒統領。護軍統領。妥議具奏。茲據王大臣等奏。遵議覆陳。及紫禁城外圍各該旗分。定直班處所。並據恭親王奕訢等。另奏會議未盡事宜。敬陳管見。管理神機營王大臣。奏遵撥官兵。協同巡察。各摺片。禁城重地理宜。

嚴肅官兵直班稽查。本有成法可循。乃日久廢弛。甚至宵小潛蹤。疊次偷竊。尚復成何事體。亟應認真整頓。茲覽王大臣等所奏。或申明定制。或因時變通。尚為詳細。所有紫禁城內地面。嗣後著該管大臣等及神機營官兵。分定段落。嚴密梭巡。並上城巡查。其各衙門公所。該衙門當隨時查察。並開具官役清冊咨報景運門。以憑稽查。內務府所屬各官所直房。並各太監他坦等處。當差官役蘇拉人等。即令自行覈定人數。開具清冊。報明內務府景運門。每日由內務府官員會同三旗該班兵役。前往查點。儻有不符。即行

拏辦各該處如有容隱匪人及吸煙聚賭情事即行
從重治罪官役人等應帶腰牌著嚴飭一體佩帶儻
有不遵暨商賈閒人溷入並各他坦帶入拏獲分別
懲辦西苑三海等處一併嚴禁閒人擅往至紫禁城
外圍各門各朱車柵欄即照所擬每日下五旗分定
處所各有專管段落公同直班前鋒護軍直班弁兵
必須年力精壯技藝嫻熟方資得力著該統領詳加
查察汰弱留強嚴禁包攬替班等弊遇有缺出秉公
揀選不得以老弱充數責成查營御史嚴查挑缺不
公之弊直班官兵應如何酌加津貼以示體恤由該

管大臣酌度辦理。經此次詳定章程後。該管大臣等。務當實力奉行。永毋懈弛。並不准稍有推諉。儻再稽查不嚴。致有匪徒混迹。及盜竊案件。即將該管大臣等及所屬官兵。分別嚴懲。○又

諭禮親王世鐸等奏會同盤查內銀庫完竣一摺。此次該王大臣會同管庫大臣。將內銀庫銀兩。逐細盤查。按原存數目。計短銀七百五十兩。庫儲帑項。豈容虧短絲毫。應如何著落賠補之處。著戶部議奏。內庫重地。關係緊要。嗣後派出查庫之大臣。務當認真盤查。嚴防弊混。並著前鋒護軍統領。隨時

督飭所屬。實力稽查。毋得稍有疏懈。以昭慎重。○
又覆准。

端門由左翼前鋒營。添派章京一員。前鋒十名。

天安門由右翼前鋒營。添派章京一員。前鋒十名。
均在該門左右馬道門外。支搭氈棚。直班看守。
每日由

闕左門直班司鑰長。

天安門直班副印務章京。帶領上城巡視。均二日
更換。○又覆准。每日直班官兵。仍照章嚴飭印
務章京司鑰長詳查外。另派妥實之員。按名認

真查點。儻有包攬代替之弊。立即革退送部治罪。並將該管章京等嚴叅。○又奏准

紫禁城上各處巡籌。由前鋒護軍營輪流。每夕派三四品章京四員。上城催查。統領直班之日。不

時前往督催。

其稽查出入各事例。俱詳護軍統領

○九年

諭。御史俊乂奏。午門開啟。任意遲早。正黃旗直班為尤甚等語。禁門啟閉。向有一定時刻。豈容故意遲延。著前鋒統領護軍統領。申明定例。以時啟閉。並著隨時稽查直班弁兵。如有怠惰偷安。及飲酒賭博情事。即行從嚴懲辦。○又

諭御史屠仁守奏內外城啟門太早。請申嚴門禁。一摺。朝廷日理萬幾。披覽章奏。召見臣工。不遑暇逸。各衙門先時呈遞摺件。由來已久。若啟門過遲。必致延誤。惟申嚴門禁。極關緊要。疊經諭令該管大臣嚴密稽查。著步軍統領衙門前鋒統領護軍統領。申明禁令。於內外城啟門時。督飭官兵認真查察。毋得視為具文。○又

諭國子監司業潘衍桐奏門禁緊要一摺。據稱風聞內監中。多有攜帶閒人出入禁闈。各朝房蘇拉甚衆。亦不免冒名混充。請飭嚴申門禁等語。禁城重

地。理宜嚴肅。豈容閒人潤迹。著責成總管內務府大臣前鋒統領護軍統領督飭官弁嚴密稽查。如有太監蘇拉攜帶閒雜人等不遵禁令擅自出入者。著立即嚴拏懲辦。毋得稍涉懈弛。

扈從。○原定。

行在宿衛扈從以前鋒參領侍衛共八人。率前鋒校前鋒共一百二十人於

御營前一二里外。相度形勢。設卡偵探。立前鋒旗二。以為門戶。兩旁以次列帳。前鋒參領等各於帳內巡更宿衛。有於卡內行走者。坐以軍法。次日

前鋒參領等。屬橐鞬控馬。於道旁排立。候黃龍
大轟過。各乘馬整隊扈從。○又定。

御營嚮導。於八旗前鋒營護軍營內。每旗選參領侍
衛四人。前鋒校護軍校前鋒護軍六人佐之。○

康熙三十五年

親征駐營。前鋒軍過

御營前駐紮為二營。

親征時。

躬率前鋒兵進發。次接隊前鋒兵。次綠旗兵。居鹿角之

中。○乾隆三年

諭昨據前鋒統領護軍統領等請令隨往南苑之護軍等騎馬官兵換班行走等因具奏朕駐蹕南苑為日無多若令官兵換班則換班前去之人必需整理行裝且兵丁於畋獵之道甫經學習又復荒廢何得嫻熟官兵不必換班著賞給路費○四十一年奏准恭遇

巡幸將行營章京十二員帶領引

見派出三員率領前鋒等總管營務俱穿黃馬褂○

同治十一年奏定

聖駕詣

壇齋宿。例派兩翼前鋒營八旗護軍營宿衛官兵二千零三員名。管營大臣一員。帶領直宿。再由槍兵內。添派官兵五百四十員名。管營大臣一員。帶領在

壇門外直宿。○十二年定。

聖駕駐蹕

雍和宮。派前鋒護軍營章京二十員。護軍校護軍一百二十名。在牆外分段直宿。○十三年定。

聖駕駐蹕

南苑兩翼十營。派宿衛直班各官兵共九百六十

九員名

凡宿衛扈從俱合護軍營官
兵派撥差使詳載護軍營